

# 哈密志卷之十七

輿地志十五

風俗

哈密僻處關外郭壁民心愿恪兵敦儉樸氣質驍悍所居均以土屋夏秋雨水淋漓而已並無傾盆汪洋大注之雨但土瘠民貧謀生不易聰明讀書入泮者少只在公署當差以筆耕餬口無力上進魯鈍者或入伍食糧或竭力務農或服賈治生業而嬉游流蕩之風不聞焉元旦佳節男婦登堂拜賀新年富者盛設筵宴款待彼此治酒互相請答人情頗爲醇厚然燈節以後卽各事其事亦無宴樂流連之習元宵佳節張燈五夜今吾不禁燈光輝煌游人瞻燈盈街塞巷各鋪戶中鑊鉞喧天烟火花炮鬧熱非常

二月初二日土地神生辰自初一日夜亦張燈起至初三日止白晝間各鋪戶作抬歌數十獻於土地神前游街穿巷鬧熱俗規

衣服樸素兵民間皆以布爲衣而無帛者卽殷富之家亦僅棉絢川絢服一兩件惟新年及

哈密志卷之十七

輿地志十五

禹貢學會  
邊疆叢書

喜筵壽觴中着之歸卽藏箚中率以布爲常如平時衣偶華美者人卽駭異以爲過奢飲食儉約哈密城雖五穀俱產人家均用麩飯羊肉而食者多其食白米與豬肉者甚少日用率以包穀豌豆大麥收麥小米雜菜蔬爲饗餼謂其耐飢而酒肉稻粱除養老祭先宴賓之外不御焉

婚娶多因舊親爲親倩媒說合受聘金盒酒爲禮納采納幣不過豬隻酒米布疋婚期遠近親戚聚集賀喜有鬧房俗規有力之家會客內外族黨姑娘姊妹而已酒筵從俗無過爲豐靡者喪葬棺槨衣衾稱家有無以厚薄方死則報訃於親戚咸來弔哭及殮以香帛酒肉上供有力者凡內外親黨皆散白戴孝無力則否旣殮有葬期卽葬之無期或一月半載卜吉日延禮賓會戚友具靈芻銘旌等物先期客奠及期家奠宴畢齊挽紼送墳山埋之家貧無力止略具禮祭不敢過求豐美至若謂僧道誦經偶亦有之知禮者不爲也器尙陶瓦棹几牀榻皆質而不華極富亦未鋪張擺設者

民情畏訟凡詞訟皆奸蠹害人者爲之官明察重懲誣控者而訟獄頓息

鄉音六里不同言語俚俗無文飾嶺曰達坂坡曰崖子平原曰郭壁野聚曰莊子山蹲曰豁洛子然皆質直而無輕薄纖巧之習